

貴池縣志卷二十一

知貴池縣事陸延齡重修

人物志

宦績下

吳仲禮字思禮嘉靖中進士授浙江金華府推官擢兵部職方司主事出守山海關會丁外艱去任服闋補禮部儀制司主事遷祠祭司員外郎奉勅往南直隸山東等處選民間子弟為駙馬還遷四川按察司僉事備兵瀘州五載遷雲南布政司右參議未行卒於蜀居官以清節著居家孝友入其室者

貴池縣志

卷三

人物志

宦績下

一

盎然如春

府志

呂一靜字鳳川嘉靖中進士授工部都水司主事監營建工成賜銀幣又督荆西權政惠民恤商擢福建興化知府興化向輸米給軍轉輸山谷勞費數倍一靜為定米價每石折銀若干及給軍按戶唱籌絕侵扣之弊軍民兩便擢浙江按察使

副使

府志

吳文奇字元石嘉靖十六年以舉人授江西上饒知縣以憂去補河南上蔡知縣遷山東兗州府同知所至皆著政聲

府志

柯椿字獨山嘉靖元年貢生授山西吉州同知遷北直順天府

通判在官十四年民謠曰天時久旱柯公雨之民租久負柯公處之西山多飢柯公賑之西山多寇柯公寢之徭役紛沓柯公靖之古有惠政柯公近之後致仕歸府志

陳桂字汝芳嘉靖十三年選貢授蠡縣知縣居官廉慎與上官

不合拂衣歸父年九十五卒桂時年七十餘哀毀不輟江南通志

並府志

曹棻字子馨嘉靖己酉舉人任義烏令調穀城周恤民隱不尚武健人稱循吏卒於官無以殯上官助之總督劉秉仁爲文祭之稱其孝友著於家庭慈祥孚於黎庶府志

貴池縣志

卷三

人物志

官績下

一一

李謙然字益卿嘉靖中以選貢舉順天鄉試授廣信府推官善治獄發奸摘伏稱神明遷荊州府同知荆地瀕江江水齧隄屢有水患謙然悉力加築民乃晏然時上營三殿采木兩湖謙然督辦歷著勞績遷兩浙鹽運司同知歸橐蕭然不問生

產府志

曹汝衷字惟和舉嘉靖三十七年應天鄉試授江西德化知縣爲政慈祥刑罰從輕歲歉加意賑恤尤重文士民咸德之五年乞休不允遷廣東潮州府通判致仕弟汝良字惟遂與汝衷肄業南雍舉嘉靖三十一年應天鄉試選湖廣漢川知縣

漢川爲汝良舊遊地舉向所悉利弊興除之期年大治乃集百姓問之曰今之徭役尚有未均者乎科條尚有未便者乎利尚有未興害尚有未除者乎俱頓首謝曰無有汝良曰然則吾可以去矣遂致仕歸

汝表見康熙府志  
汝良見乾隆府志

陳尙質字野軒嘉靖中歲貢任湖廣崇甯縣訓導性剛直論事侃侃不肯屈事上官未幾辭歸作招隱賦以見志年八十三始生子家產與姪平分之旌黨咸多其諱

府志

李奎祥字梅賓嘉靖中歲貢授直隸柏鄉縣訓導遷浙江昌化縣教諭捐俸修葺學宮並給貧士時助喪葬兩邑俱有遺愛

貴池縣志

卷三

人物志

宦績下

三

錄名宦

府志

房宿字竹泉博學嗜古嘉靖中歲貢任湖廣漢陽府通判署府篆有政聲值試士以幼童蕭良冠軍後良庚辰會魁當時以

爲知人

府志

柯一鳳字梧岡嘉靖四十年舉人授通山知縣以寬治民有犯者委曲開諭令其改過其逋賦者亦不罪以是坐才短改南陽府教授縣人皆涕泣送之至南陽大修學宮遍周貧士朝

夕講課士子多所成就遷魯府紀善

府志

高萼字汝實嘉靖十年舉人授江西南康知縣以不勝煩劇改

教授當路重其文品聘主四川鄉試以廣文正掌文衡亦異數也後遷王府紀善歸絕跡不入公府鄉里稱之府志

汪廷春萬曆閒以古田主簿擢本縣令有惠政嘗建湯壽橋民以爲便後刻石像以祀之名其橋曰汪公橋府志

吳文音隆慶四年舉人授浙江臨安知縣多惠政剛正不阿以

忤上官歸府志

丁紹軾字文遠父旦夢白鶴翔其庭而生胸腹有七黑子如北斗萬曆丁未進士由庶吉士授檢討天啟四年以禮部右侍郎充講官一日因帝鑑圖說有唐明皇遣歸方士一篇就其

貴池縣志

卷三

人物志

宦績下

四

中清心寡慾節飲食慎起居數語委曲陳說帝爲動容五年擢禮部尚書兼東閣大學士山海關喪師報至帝懼紹軾上疏論京師爲天下根本天下城池未有固於京師者然守有守之人守有守之械而儲餉尤守之第一義臣以爲文武任事諸臣姓名當一一書之御屏俾任器械者責以器械之實任操練者責以操練之精任積穀者責以積穀之充任火藥者責以火藥之備一一查驗年久則加銜事完則超擢有不率者罰無赦帝納之首輔顧秉謙不懌中人議至浙江雲霧山采大木紹軾以微言罷之總兵毛文龍請用內臣駐登萊

節制諸將從之紹軾言軍事至危至險何獨使內臣代任其勞內臣一任文武將吏交委互卸是使內臣獨受其責且民心止知護撫按未必護內臣則內臣又獨當其苦乃不果行馮銓欲追論移宮梃擊紅丸三家與事諸臣勒姓名於碑永禁錮之紹軾以爲是益黨人聯絡之勢乃止中旨遣內臣出鎮山海關紹軾上密揭曰內臣皇上之近侍奉命而往又天子之使臣彼文武將吏莫不窺其意指稟其教令其視己之賢否官之去畱與臨時之生死皆出內臣口吻何敢不爲逢迎之計何暇復爲戰守之謀此其分將吏之精神爲害一昨

傳上諭雖云內臣一往清查不令掣肘然內臣而無材智者皇上必不遣用內臣而少有材智肯遂唯唯嘿嘿已邪勢已漸盛柄已漸移加以左右之撥置羣下之教唆將有不當戰而速之戰宜用守而不許其守則掣肘其必然者而由掣肘生脫卸人人諉諸天使成敗誰與任之爲害二往日文武不和屢致敗衄今巍然有一中使則將吏皆借以申其所愛而嫉其所仇中使未必高下在心好惡盡當也於是從而徇之小則將吏互相殘害大則陰嗾軍伍鼓噪市民而并中使害之內變立見往事皆然爲害三三害如此皇上何爲必欲遣

之母亦曰內臣爲我清兵清餉此一利耳然所清之餉無幾而增一衙門卽增多少供應母亦曰內臣爲我查功覈罪又一利耳然子有外交不憚欺其父妻有外交不憚欺其夫臣不敢必內臣之無是也時敕書已草暫停未發而出鎮六內臣皆銜之紹軾不自安繕疏請告不許數日逮東林諸正人物議沸騰紹軾托病不出而內鎮隨遣行矣適緹騎在蘇州激變事聞秉謙欲窮治亂黨紹軾曰公不爲邱墓計乎乃止尋晉少保兼太子太保改戶部尙書武英殿大學士卒年六十贈太保諡文恪紹軾性謹密在鄉黨修隄築墩建浮屠三十

貴池縣志

卷三

人物志

宦績下

六

固水口立會莊田以贍給後學辨同鄉劉御史光復之冤請畢少保鏘諡皆有足多者于三煜以廕授中書舍人擢戶部雲南司員外郎監湖廣常德府稅務遇流寇上楚中四大害一疏陞浙江温州府知府燿以廕補中書舍人亦好學有文

采燿別有傳

府志

姚士儒字以實萬曆壬子舉人已未明通榜天啟中授廣德州學正轉國子監助教時璫燄甚熾士儒與祭酒蔡毅中等十六人劾忠賢大罪罷歸懷宗卽位剷除逆黨授南京戶部廣

西清吏司主事特命督理泉局

府志

胡球字天玉萬曆閒以諸生坐監報滿選江西分宜縣丞屢攝縣事居官粗食布衣親問疾苦歲大祲餓殍塞途捐俸倡賑民賴以全卒於官貧無以殯司寮賻之其子辭曰先君子生平不名一錢豈以死易操哉不受扶櫬歸里百姓縞素號泣走送於道

采訪冊

王建和字乾純舉萬曆四十一年進士初知龍泉縣改知桐柏豫人有除三害去三憂之謠陞南京刑部主事多所平反出知汝甯府汝甯有崇藩駐其地護衛驕縱建和以恩威馭之一軍感悅相戒不擾歲饑勘流民狀詳請賑恤民以不困修

貴池縣志

卷二

人物志

宦績下

七

天中書院陶冶諸生多成名士汝人立祠祀之崇禎五年遷浙江按察司副使分巡杭嚴尋遷湖廣布政司參政分守湖南柳州所蒞以清惠著自持剛毅不阿上官未老致仕歸居竹溪足跡不入城府歲祲捐賑全活無數子心睿工文國變後棄貢不赴隱居終身

河南江南兩通志

李可芳字念莪萬曆中舉人授湖廣鄖陽府推官以敏練稱嘗攜池州稷種自給遂教民種之至今傳爲李公黏遷四川簡

州知州湖廣襄陽府同知俱著政績

江南通志

陳以運字時可桂之孫萬曆四十六年舉人選江西新淦知縣

嘗言曰治患太周周生大疑治患太剛剛生大畏治患太專  
專生大闇於是一以廉靜爲治閱五年民大安之張獻忠寇  
江右湖西諸郡邑無不殘破者淦獨以死守獲全遷福建邵  
武府同知告歸值左良玉東下池州戒嚴以運佐兵備劉開  
文守城鄉人德之

江南通志  
並府志

史諫字信廷萬曆四十八年貢崇禎初授浙江桐鄉縣訓導遷  
貴州印江知縣在任均丁徭廣廩額抑強弁靖苗氛以老乞  
休年九十餘卒

府志

桂早馨字孺徵萬曆二十二年歲貢廷試第一任定遠教諭遷

貴池縣志

卷三

人物志

宦績下

八

荊州府教授旋擢楚府長史時楚王與宗人不睦早馨言宗  
人雖不法在祖宗視之一體也王以祖宗之心爲心則當曲  
全之矣王爲感悟踰年乞骸骨歸王嘉其忠勤製清端良輔

額贈之

府志并  
采訪冊

劉光謨萬曆中歲貢授浙江處州府通判署青田縣事多惠政  
民無逋賦監造漕艘於杭州計材程工徧恤軍力擢廣西養

利州知州告歸敦睦族黨修舉廢墜建清溪二生祠

江南通志

汪夢說字四浦侍郎珊四世孫萬曆七年舉人授浙江仙居知  
縣遷杭州府同知署知府杭繁劇郡簿書委積冠蓋相望夢



說接人以謙處事以敏差務雖煩案無留牘頌聲大作後致仕歸府志

李興詩萬曆十年歲貢素醕謹不苟言動任山東泰安州州同一介不取至朝夕不能給卒於官無以為殮聞者莫不悼嘆

府志

楊日森字齊華萬曆中進士授浙江桐鄉知縣多惠政卒於官

百姓送其柩哀號罷市府志

胡允聘字湛衷貢入南雍為司成馮夢楨楊啟元所賞以屢不得舉改北雍舉萬曆四十三年順天鄉試天啟五年授山西

貴池縣志

卷二

人物志

宦績下

九

潞安府推官遷廣東廣州府同知有清名歸時閉門息交不

改儒素府志

桂自馨字道徵萬曆乙酉科舉人父木為名舉人早卒自馨賴

節母教育之由旌德教諭遷江西安義知縣有德政時市人

以大小秤互相欺詐民受其害自馨酌以定式俾商賈不欺

而市塵不擾後遂名桂公秤采訪冊

姚士嘉萬曆間以監生任北城兵馬司指揮時中璫橫肆有奄

人詐索民財士嘉執法以懲同官危之不顧捐貲置義塚安

定門外路無暴骼出判廣西桂林府請豁興安浮糧築各屬

塘堰著循聲後署府事加意修舉會城八桂堂其所建也致仕歸舉鄉飲賓子宗幹順天府經歷歲歉捐貲賑荒以剛執忤上官歸在途盜發其篋無物可攫笑而揮之天啟中舉鄉

飲賓

府志

姚思統字印石天啟甲子由議敘授西永甯州吏目攝永福縣事歲饑捐廉請賑全活甚眾合邑製萬民繳以彰遺愛復任四川涪州吏日時流賊圍重慶協力捍衛擒獲賊黨三月解圍以功陞重慶府經歷致仕歸

采訪冊

李得春字首川崇禎九年歲貢授海州訓導沈靜寡言積學砥

貴池縣志

卷三

人物志

宦績下

十

行善課士終日無倦容卒祀鄉賢子憲懋別有傳

府志

方學聖字振林崇禎十六年進士授浙江秀水知縣縣多豪猾悉以法繩之一鄉官女杖殺其婢獄具多爲之求貸者學聖不從竟以女抵罪又一任子索竄人遁而奪其婦學聖追婦

還竄人解橐代償

府志

胡士瑾字文瑜崇禎十三年進士授浙江烏程知縣烏程賦素重士瑾軫恤之民以不困尤愛士分校浙闈稱得人調繁仁和以父憂歸里明亡左良玉兵下江南屯池州士瑾佐池太道劉開文守城甚力鄉里德之

府志

潘揚晉原名儼字若思崇禎己卯舉人授廣東樂會知縣時瓊廣諸州寇黨滋擾揚晉諮詢民隱剔除奸藪士民倚之漚血

上疏擢御前贊畫以病歸

采訪冊

桂天斗字懷北崇禎末以國學生考選主簿會宏光立諭有願効危疆者准投効揀用天斗上疏曰臣聞智者觀變於未然能者圖功於事始今聖主焦勞於上賢臣竭蹶於下無務不舉無謀不悉草茅微臣何敢遽議惟是彼蒼示警眾或忽爲適然黔赤奔罷恬不知爲隱禍或事本除暴而反以伏戎或意本乂安而適以養惡臣察之天時人事不覺默爲惶悚見

有可慮可防者不避斧鉞幸明聖采擇焉一曰城中之乾流可懼秣陵地土乾燥數丈深始得及泉自數月無雨無泉不竭億萬生靈俱往汲於城外通江之水恬不爲意臣思皇上威靈自當懾服羣醜然未雨綢繆不可不早爲都城重計萬一倉猝戒嚴城中不得取汲何以安內禦外臣思先臣設立水關一引湖水一引江水旱則通流溢則下閘誠有深意歷久淤塞今宜因勢利導俾血脈流通民免旱魃一曰外省之流移宜察一民莫非王臣矧其失業播遷哀鴻可憫若不安置得所決非撫字至意但寇兵詭譎或奸細夾雜劫之不得

容之不可雖保甲已行猶慮搖動人心未便嚴察倘有受賄不舉者必須地方有司親自訪緝毋以悠悠從事一日士卒之對壘宜實自國家多難招兵訓練不知費幾許金錢乃請餉則有兵臨敵則無兵何也非無兵也寇以刼掠爲事地方必以城守爲急每僥倖於城之不陷而關箱任其焚掠賊之行止直如傳舍兵日漸養驕不可止遏卽有尾追不過放炮奔呼何嘗實戰願朝廷議焚掠關箱者罪同失陷此誠警惕積惰之善策一曰鎮撫之任用宜專昔督臣熊廷弼赤心任事三方之布置未展再用一王化貞調濟其間遂致互相水

火身名俱敗鎮臣毛文龍智足辨敵言多直率當事者慮其跋扈反受敵愚甘心毛鎮一旦去此干城俯視時局追思曩蹟令人髮指當今用人之際若不捐去成心二三其任致勞臣不獲底績自効往事可鑒且朝廷不惜爵賞假以事權彼何心不靖共王事則懷疑之端不可開也一曰撫勦之大計宜決我先帝憂勤惕厲不吝通侯之賞以報勞臣不惜百萬之餉以養士卒當事者亦莫不以驅勦爲大局奈立意甚正臨事過迂方慮士卒之畏縮而且以勿浪戰爲戒勉有不畏死偷生者幾人徒苟且於一時而敗壞已基之矣今西賊鼠

竄於蜀懼北兵之搗其巢也北兵蠖伏於燕懼西賊之襲其後也聖主萬福攸同無容過慮然報仇之舉刻不可忘欲先西而蜀道之險難進欲先北而除賊之義方新則聯絡以張撻伐者宜有定裁也一曰統一之規模宜預自遼瀋失陷廣甯一帶曠遠無人督撫孫承宗建議挨復法欲兵民逐程鎮守挨一城則恢一城甚善計也繼以袁崇煥誘圖毛鎮於時毛鎮來自大凌崇煥出自雙島不於此合兵屯札爲恢復計反以圖毛鎮哀哉當今南北隔絕土地皆我幅幘置之不忍大舉未便計惟有逐程挨復而已臣草野書生不識大計偶

以憂國情深上千天聽伏惟垂鑒優容不勝悚惶待命之至疏上授縣丞以言不見用遂歸隱居以卒著有子垣日記二

卷

見舊志並子垣日記

以上漆志

鞏珪正統閒任黑鹽井副提舉侃直任事秩滿父老遮留不忍

別

湖北通志并安徽通志新增

陳雷頤字時觀元延祐乙卯中護都塔兒張起巖榜歷官至都察院副都御史督理漕運時運河初開雷頤立法盡善漕運倍增朝廷賴之贈父昇一正議大夫母王氏宜人致政歸卒

心率物好義樂施親族待舉火者數十家者待婚嫁二十餘家鄰有冤獄請於有司豁其罪鄉人感之沒後猶歲祭其墓

云

人物志

陳尙賢居鄉孝友自矢元末率家人滅土賊一鄉安堵應洪武十四年選舉任邵武府丞以賢勞卒賜葬石埭溝汀見崇禎十年蔣臣所編皇明薦舉考

人物志

沈通字德亨景泰三年貢士令滎陽以清白稱子昌號楚航宏治十五年貢元著有池陽山川古蹟百韻二集昌二子長大韶字九成號蘭崖次大武正嘉閒先後應貢韶任高苑令武

貴池縣志

卷三

人物志

宦績下

十四

任遂安令兄弟並有政聲

人物志

王務信永樂十六年由胄監□州牧多善政任滿復留三載時人頌之曰循良著績慈愛流芳云云公卿贊序具載家乘

人物志

志

王均字子昭成化時由郡庠升國學膺歲薦官南京中城兵馬司時有奸人劉小二作亂鈞以法誅之天子獎其功賜額承

恩表其閭里鈞父名普宗以子貴授勅封

人物志

劉大路嘉靖中任雲南陸涼衛同知轉餉給軍苗民帖服

劉氏家乘

劉大爵嘉靖中任福建漳州府龍溪縣知縣善折獄以廉稱閩

人德之

劉氏家乘

劉可輔萬曆中由中書舍人任廣東帥府參軍遷湖廣楚府司

理有善政

劉氏家乘

以上新增

國朝

朱正源字靜一明崇禎閒由歲貢為直隸永平府通判分

署遼東錦右糧務丁外艱督師孫承宗多其才欲畱任辭

歸順治初起廢隨內院張存仁征浙江收各郡為督師員

勒所任用題授浙江按察司副使整飭溫處水利築海塘

貴池縣志

卷三

人物志

宦績下

十五

數百里以內艱歸貝勒進征福建復調至軍前署福建屯

鹽道歸十餘年卒

府志

杜宗鶴字芝崖順治四年歲貢

廷試第一授廣東高要縣知縣靖亂安民興學平獄甚有政

聲

采訪冊

柯仲寶字在中順治五年選貢授浙江新城知縣為治廉

靜革耗羨以勸輸將無催科之役修文廟興義學擢河南

開封府同知嚴設保甲以弭盜賊署府事及攝祥符中牟

篆俱著政績每濱河設舟救溺置義塚瘞亡者新城立有

生祠

江南通志

曹文蔚字仙霞康熙初以國子生任河南汝甯府通判二十一年楚北兵叛餘黨煽汝甯文蔚計擒其魁餘悉解散嘗決開封大獄稱平允署真陽蘭陽二縣俱輯邑乘代民賠河帑以憂去補德安通判督修河隄甚有經畫

江南通志

吳雙字漢公貢生

廷試十八名授和州訓導善於訓士陞含山知縣愛士惠民

巡撫喻成龍亟獎之

府志

章世德字天彝幼穎敏日記數萬言工文康熙二十一年

貴池縣志

卷三

人物志

宦績下

十六

進士授福建南平知縣南平夙苦里排當役世德至即除僱役之累後二年值編審凡虛丁悉豁免地當衝要往來輻輳皆官自支應不以擾民剏興學校月課諸生捐給膏火又濬泮池建文昌閣新四賢祠造城外浮橋并大葺縣治百廢具舉以賢勤稱卒於官百姓哀號送其櫬請祀名宦本籍崇祀鄉賢

江南通志

程璲字以長康熙四十八年進士任四川樂至知縣革陋

規勵清操始終如一民愛戴之

府志

章永祚字錫九世德子康熙二十年舉人以截取授清澗



知縣初邑中民多逃亡田荒賦無所出永祚至諭民耕種  
納糧五年以外不歸原主由是民皆復業又以民困徭役  
值編審期集里長盟於神分里按甲審竟卽對神民朱書  
旣書之後不更一字以杜蠹弊民甚便之重修學宮親課  
士子文教大興時大兵征額魯特永祚解駝至軍上不悞  
餉下不擾民鞅掌之餘不廢吟嘯六十一年行取陞主事  
雍正二年補工部都水司主事上疏請實覈河工估銷錢  
糧清理河工節年積欠以儆河員以節國帑逾年以乞養

歸著有南湖集

見府志並  
南湖集

貴池縣志

卷三

人物志

宦績下

十七

章孫虔康熙五十九年歲貢授英山訓導課士衡文不異  
家塾後遷本學教諭新學校恤寒畯奉職益勤子懷璵懷  
璐懷琦懷瑗並有聲文苑

府志

朱應敬字敬輿廩貢任潛山訓導實心造士凡所甄陶多  
登科第尤恤寒畯門人貧不能完家室者助之又捐俸葺

文星閣清學湖壩卒於官

府志

杜蘭字桂友雍正舉人歷任新都綦江知縣乾隆四年陞  
蘇州知州十二年調霸州督理營田兵餉河道著有勞績

采訪  
冊

何天衢字昌馭郡廩生雍正五年保舉賢良方正任貴州南安令著廉能聲調天柱縣值叛苗犯黃平州密邇天柱乃部署戰守事苗知有備而去城獲全以勞卒於官百姓

哀之

府志

桂應坤字靜臺少能文長游京師由部掾爲江西司獄官數攝邑篆善折獄獲鄱陽湖逋盜以幹練稱

府志

姜繡字斯才乾隆中由三禮館議敘選授山東章邱縣丞以卓異聞旋丁內艱服闋補四川鹽源丞授汝川知縣敘滇省軍功陞合州知州上官廉其能檄委隨營辦理金川

貴池縣志

卷三

人物志

宦績下

十八

軍務調酉陽知州護建南道督催糧餉稽查臺站卒於三松坪奉公盡瘁咸悼惜之四十二年合州士民籲請入忠義祠子蟠甲字輔堂由貢生選蓬溪縣鹽大使署巴縣縣丞會金川未靖委辦軍需軍功議敘歷知冕甯中江安居涪州等州縣事所至俱著循聲去任民屢挽留旋丁內艱服闋補授銅梁知縣卒於官士民哀慕

繡見府志蟠甲見采訪冊

姚蘭字景山乾隆十年選如皋訓導和易近人喜愠不形於色與諸生論經史大義娓娓不倦學有公田蘭以歲入分給貧士不以自私年老致仕士人立去思碑於學中

采訪

杜最字軍上由貢生考取教習歷任祿豐甯洱知縣潔己  
愛民頌聲載道陞行人司行人署普洱府事護鎮守雲南  
普思沅威等處地方總兵印務乾隆十一年題陞普洱府  
分防思茅同知所至并有循聲采訪冊

蔣正朝字訐謨乾隆壬辰以舉人授內邱知縣邑當九省  
之衝差務雖煩勤於鞠訊並召諸生會課蓬山書院以育  
人材置留養局以恤民之貧而老者承辦征金川兵差三  
載王倫之亂募鄉勇補寨丁缺額守護城池戊戌大旱步  
行數十里取水龍池又葬埋暴骨八百餘塚會丁外艱服

貴池縣志

卷三

人物志

宦績下

十九

閔遂不復仕課孫自娛捐田三十畝於宗祠以奉祭祀僑  
居匯濱人罕識其面壽八十五終采訪冊

葉天奇字喬宇援例選黔江主簿隨攝縣事邑連歲饑饉  
奇先捐貲以濟復力請發賑有士人弟兄爭產召之令讀  
常棣詩命其講解旋卽愧悔相讓又疊叩大府奏免積欠  
數萬家士民德之尋以病乞休扶老攜幼送者遮道采訪冊

曹麟開字徽我由乾隆乙酉選拔舉於鄉充景山教習授  
黃梅知縣甫下車卽懲猾吏鋤刁健嚴江防先令是邑者  
案牘動延擱經年麟開應時剖決數年積案爲之一清暇

則與人士講學書院論文賦詩人稱儒吏報最擢正安州知州旋以詩案失察被議謫庭州襄勇伯明將軍亮延爲記室軍實屯政多所贊畫嘗請疏天山積水洩以灌田民深德之戊申賜環後明將軍湖南征苗四川征匪皆招致戎幕資以運籌尋以病歸麟開身行萬里眼經百戰故其詩得雄直氣有千軍萬馬之勢兼善畫子五敬貽蓀貽穀貽牲貽式貽能世其業穀貽以選拔任鳳陽臨淮鄉訓導能教士有文名

采訪冊

姚志鵠字苾香乾隆閒以廩貢任溧水訓導嘉慶五年應

貴池縣志

卷三

人物志

宦績下

二十一

例揀發福建知縣初攝浦城下車三日洪水沖城溺死無算流民嗷嗷請賑志鵠以勢迫不及上聞傳倉吏出穀吏稱官穀不得擅發志鵠曰救民於水火何惜一官遂發賑然後上聞大吏具奏並記其功後補建甯以誑誤歸逍遙林下以詩酒自娛樂與文士往來年八十餘強健如常

采訪冊

以上漆志

王之翰字羽仲順治七年應貢舉擢廷元授灃陽知州三載多善政詳載治行述畧解組歸丁母憂哀毀合禮

人物志

鮑文燦雍正初官綏甯典史擒獲逆獠蒲寅山復平叛苗  
以軍功升新涇巡檢通志

張作賓字素公任錦田巡檢招安蠻寇邑人勒碑以誌人志

以上新增

桂超萬字丹盟非經濟之書不讀非忠孝之事不言由舉  
人任穎上英山教諭定騎月法晦朔連課士多便之生童  
緣事罷考剴諭之悅服就試道光癸巳成進士用直隸知  
縣親老改江蘇過丹陽訶知糧船滋事告縣預防事乃定

署陽湖雪丹徒貞婦趙王氏冤以防盜事宜上書大吏十  
五年補荆溪父憂歸起補直隸欒城除盜賊懲訟師濬浹  
河金水河城河通溝洫平道塗教民種樹均徭役修書院  
立義學創硃問墨供法製更鋪傳籤牌化導鄉民毋習邪  
教有飛蟲食蝗之異署豐潤清積案二百餘起勸辦鄉團  
募漁戶教習打鴨鎗防黑沿子澗河兩海口親王僧格林  
沁按閱以豐潤團練爲各海口第一優獎之後粵匪林開  
芳等竄天津知縣謝子澄以打鴨鎗破之用超萬遺法也  
歷經保薦洊升揚州府知府身率儉約胥吏無衣帛教廠

營兵毋博婦女毋遊觀修學勸農訟至立決民歌頌之有  
重見包公語調蘇州府署蘇松糧道請定均戶新章革包  
漕浮收需索諸弊拏辦昭文縣聚眾重案解散黨與經理  
得宜歲祲請毋徵全漕升福建汀漳龍道作何苦來歌以  
化械鬪勸營縣和衷軍民相衛以勤捕息爭病歸超萬歷  
官謁廟必焚疏自誓不欺心不枉法果踐斯言同治元年  
福建巡撫徐宗幹疏稱超萬敦樸誠篤實心愛民歷任道  
府州縣所至皆有政聲民切去思前兩廣督臣林則徐在  
江蘇巡撫任內稱爲循吏所議鄉團條規簡要周密皆可  
施行請留閩協辦團防奉

貴池縣志

卷三

人物志

宦績下

一一一

旨允准二年署福建糧儲道尋署按察使鋤豪雪冤劾貪舉廉  
鞫獄常至日昃盛暑不倦以勞卒官年八十是年總督左  
宗棠巡撫徐宗幹以超萬潔己勤民循聲卓著奏奉

諭旨國史館編入循吏傳祀直隸欒城縣並福建省名宦祠著  
有惇裕堂文養浩齋詩宦遊紀略

史館鈔傳

徐宗幹摺  
吳廷棟撰誌銘並

通志

桂以嗣字裕庵乾隆甲寅舉人選揚州甘泉縣訓導揚士  
尙浮華嗣忠質性成以身爲教諸生化之稟阿鹺使設孝

廉堂招致各省名士資助公車費有歸功者弗居也丁外  
艱歸以石壓舟而已同郡王大司馬宗誠有傳采訪冊  
高卿培字滋園父燦官浙江天台縣尉多惠政培少隨任  
所精吏治援例分發浙江縣丞辦理海塘保舉知縣接辦  
軍需陞知府克復杭城奉

旨賞戴花翎以道員用督院左見其精明強幹熟習鹽務奏請  
署理鹽運使奉

旨卽着補授釐奸剔弊商民受惠兩署按察使政治廉明奉

旨加二品銜封贈三代以目疾乞休采訪冊

貴池縣志

卷二

人物志

宦績下

一二二

高洵字兆堂議敘巡檢分發江西以守省城功保舉知縣  
欽加五品銜

賞戴花翎饒之樂平初復因糧滋事幾激民變奉委往撫民心  
始安畱署縣事勸捐練勇數與賊戰力保殘城旋授撫州  
樂安縣下車卽訪民間疾苦除弊興利凡保嬰養老諸善  
舉一一整理尤注意人才倡修考棚捐廉助生童課貲治

績最著卒於任所采訪冊

高鴻材字向榮議敘未入流分發江蘇漕院吳委守清江  
縣城捻匪數十萬攻城守城者多遁吳帥巡閱見材與族

姪巡檢高捷知縣洪三員問爾三人何不畏死材以事君  
致身見危授命對吳嘆曰英俊沈下僚高鴻材者不愧鴻  
材屢欲薦擢不受加六品銜後補阜甯典史年七十乞歸  
子經綸議敘授鎮洋典史采訪冊  
高捷達字搏霄由禮部儒士揀發湖南平江縣典史幫辦  
團練累立功績

欽加同知銜以知縣用歷署臨湘會同等縣事俱有循聲子錫  
庚提舉銜湖南候補通判采訪冊

高鏊字日三由禮部儒士揀發湖北縣丞隨營効力屢著

貴池縣志

卷三

人物志

宦績下

一二四

勞績

賞戴藍翎加五品銜

誥封二代署隨州州同授興國州州判植心慈惠秉政清廉卸

任回省病卒貧不能殮同寅資助成禮采訪冊

高與清號松軒父昂一積德好義清由郡庠貢成均先後

任山東定陶令四川簡邑令有循聲致仕上下皆挽留之

不聽著石門歸隱詩存若干卷家居敦尚友愛重修族譜

屢舉鄉飲不出爲士大夫所欽壽八十有五高氏族譜

高聯字澍南父思魁樂善好施聯隨侍貿易日子不能博



升斗以娛親老奈何遂赴京師習滿字由理藩院議敘補武進典史歷署常州府屬丞尉斷獄如神擢縣事時郡之富利天甯寺有外來自縊死者劣紳思傾陷之聯驗實訊結其詰奸除暴如此閱兩月縣境大治采訪冊吳彬號湘江邑廩生善今古文詞尤精醫治疾有奇效咸豐閒從事徽防戎幕十一年浙江失守大帥張檄陳某防堵嚴州威平鎮賊至陳欲退彬阻之嗣賊以數萬來撲營我軍僅千餘危甚彬素知把總李金山豪勇立陣後拊其背曰男兒報國在此時也李奮起提戈躍馬直搗賊陣所

向披靡後軍從之斬馘無算賊竄去彬以功保訓導曾文正公守皖檄彬采訪忠義局務是時江以南人民流離道殣相望彬稟請在殷家匯散穀拯飢全活甚眾歷任廬江教諭太湖舒城訓導循循善誘三邑士子咸稱頌之采訪冊

姚元燮原名黃道字理堂道光壬午舉人考授咸安宮教習歷館穆鶴舫朱詠齋兩樞府道光閒夷亂燮上宰相書後選儀徵知縣調署江浦積憤成瘁卒桂丹盟輓以聯云憶前年東閣上書數千言抱負非常立業原期不死幸此日南方共楫三四月循聲以著傷心何至輕生采訪冊

高世瑄字芝田少失怙事母孝讀書求實用恥爲章句儒  
工詩有晚唐風味援例授隴州司馬多循績林文忠公督  
陝時器重之引疾歸優游林下著有退思堂詩集年六十  
六殉粵匪難

采訪冊

以上新纂

